

شهر الله المحرم بداية الإسلام | #محاضرة | د. حازم شومان

حازم شومان

السلام عليكم ورحمة الله وبركاته. الحمد لله وكفى وصلة وسلاما على عباده الذين اصطفى. اللهم لك الحمد كله و لك الملك كله. وبيدك

الخير كله واليک يرجع الامر كله. اللهم صل على عبدک ونبيک محمد صلی الله علیه وسلم. في الاولین والاخرين وفي كل وقت وحين.

اما بعد. اخواني واحبابي في الله هزا الاسبوع بازن الله سبحانه وتعالى - 00:00:00

هينتهی هزا العام ان شاء الله بازن الله. ويبتدا عام هجري جديد. شهر الله المحرم. شهر الله المحرم ده مليء

بالحدايس يا جماعة شهر الله المحرم ده بداية السنة. شهر الله المحرم ده افضل صيام بعد رمضان. شهر الله المحرم اللي فيه يوم

عاشوراء اللي صيامه بيکفر السنة - 00:00:40

السنة الماضية شهر الله المحرم فيه معاني كتير في الدين في القرآن والسنة فيه معاني كتير. ولكن انا عايز اقف النهاردة مع معنى من

شهر الله المحرم بازن الله سبحانه وتعالى وهو شهر الله المحرم وبداية الاسلام. شهر الله المحرم وبداية عز الاسلام في الارض. شهر

الله المحرم - 00:01:00

وقصة الاسلام. احنا دلوقتي بنبص على المليار وسبعمليون او المليار وستمية مليون مسلم على وجه الكرة الارضية. وما حدش

ييفكر دول كانوا في يوم من الايام مسلم واحد. الواحد عشان يبقو اتنين كانت قصة كفاح. الاتنين عشان يبقو تلاتة. التلاتة عشان

يبقو اربعة تأسيس الاسلام في البداية - 00:01:20

كانت عملية صعبة جدا وعملية شاقة جدا تحويل مجرى حياة قلوب عشان تعتني قضية الاسلام. الوقتي بقى المسلمين كثير ساكن

فين الخامسة الاولى؟ فلما بنفهم ازاي قام الدين وبنفهم قصة بداية الدين الموضوع بيختلف. تخيل لو تخيل لو انت راكب في سفينة

من السفن رايح عمر - 00:01:40

ولا رايح حج ولا رايح رحلة جميلة ومشتاق ومستنق وانت راكب السفينة دي فجأة السفينة بدأت تغرق. السفينة حصل فيها خرق

وبدأت تغرق انت طبعا يعني موضوع غرق سفينة ربنا يحفظنا ويعافينا والنبي كان بيتعوذ بالله من الغرق. اللي عملية غرق دي عملية

مرعبة. يعني بالتأكيد الناس في هلع - 00:02:00

والناس بتصرخ والناس وانت في وسط الھلع ده وما انتاش عارف تروح فين. وانت في وسط الفزع ده كلنا شفنا منظر السفينة اللي

غرقت اللي كانوا عايزين يهاجروا والناس اللي راكبة فوق على الطرف والسفينة انقلبت. منظر بيبقى رهيب. فوجئت ان فيه ناس

جايية شواكيش او - 00:02:20

وجايية يعني فقوس وقاعدة توسيع في الخرق اللي موجود. وعدد قصر في الخرق اللي موجود بتعملوا ايه؟ احنا بنصلح هي دي

طريقة الاصلاح وفوجئت ان في ناس تانية قاعدة تجيب مایة وتكتب جوة المركب. يا عم هي مش ناقصة! انت بتغروه اكترا يقول

لك لأ هي دي طريقة الاصلاح. وفوجئت ان فيه - 00:02:40

ناس تانية واحد تاني قال لك يا عم دي خلاص احنا ميتين ميتين. وخلاص طيب ميتين ميتين اعمل ايه بقى؟ ها واحدة تجري على

حجابها واحد يصلي لا لا لا - 00:03:00

ده بدل كده قام مطلع اللاب بتاعه وقعد مشغل فيلم من الافلام السيئة ومنظار من المناظر القدرة انت بتعمل ايه؟ قال لك يا عم انا

ميت ميت اصلا خلاص. الحق اتمتع بقى باللحاظات اللي باقية لي قبل ما اموت. تخيل انت جوة السفينة دي تعمل ايه؟ السفينة دي

بقت عاملة زي سفينة المجتمع اللي احنا عايشين - 00:03:10

في ايه يا جماعة؟ في خروقات حقيقة. السفينة بتاعة المجتمع بتغرق بسبب المعاشي وبسبب البعد عن ربنا. وبسبب الذين الله وبيارزونها بالمعاخي. ربنا يتوب علينا جميعا. ناس قاعدة تزود في الخرق ده بقى. ويقول لك لأنّه الحل ان ما فيش شرع لربنا يطبق - 00:03:30

الحل اني مش عارف المنهج الغربي ده بيجي وهو قاعد يزود في الخرق. ومتهياً له ان هو بيصلحها. واحد تاني قاعد يجيب الایه قاعد يجيب الماية ويغرق في السفينة دول اللي مستمررين في المعصية. دول الشباب اللي بيعصوا ربنا والمجتمع اللي بيعصي ربنا وهو متخلّل ان هو انا انا ما باذيش - 00:03:50

في حاجة. انا ما بازيش قضية فلسطين في حاجة. انا ما عملتش حاجة في اي حد من اهل سوريا. ولا ازّيت حد ولا عزّيت مسلم ولا حاربت هو مش متخلّل ان هو بيغرق السفينة هو كمان. وناس تانية رد فعلها ان خلاص ودي بنشوفها يعني عند آا - 00:04:10
عند ناس دلوقتي خلاص يا عم الواحد عرف ان عنده مرض مسلا طبيا هيموت. تتوقع انه هيتغير وهيتوب وهيتصلّى. تفاجأ ان هو يقول لك انا عايز استغل في كل لحظة بيالي في حياتي بقى. انا عايز استمتع بكل لحظة جاية لي في حياتي. ردود افعال غريبة وانت في السفينة دي تعمل ايه ؟ هتسبيب سفينة المجتمع بتاعتتنا - 00:04:30

تغرق هنسبيب سفينة الاسلام تقع هنسبيب ارض الاسلام تقع ولا هنبدأ نتبّه زراعة هم الدين؟ قبول عرض المسؤولية ان احنا نقبل المسؤولية زي ما اصحاب النبي عليه الصلوة والسلام قبلوها. ان احنا نفهم الدين ده قام ازاي. عشان لو عايزين دين الله يقوم على ايدينا تاني. نبّقى - 00:04:50

احنا فاهمين الدين بيقوم ازاي وشهر الله المحرّم. كما انه بداية العام. وكما انه بداية توبة. وكما انه بداية علاقة بالله كان بداية قصة الاسلام في امور كثيرة. نتكلّم عن بعضها النهاردة لأن الموضوع اكتر من ان احنا نحيط به في درس شهر الله - 00:05:10
محرم وهم الدين وزراعة هم الدين والغيرة على الاسلام. النبي عليه الصلوة والسلام كان متّعّد ان هو ينزل منها في مواسم الحج دائمًا وكان طبعاً معزّم قصص الاذى النبّي عليه الصلوة والسلام تعرّض لها في مني. يعني القذف بالحجارة وادماء الرجلين ونّزف اقدام النبي عليه الصلوة والسلام - 00:05:30

السخرية من النبّي عليه الصلوة والسلام لما قفلوا التسعاشر مدخل بتوع مني كما انزلنا على المقتسمين. اللي قسموا ما بينهم مداخل من عشان يحدروا كل قبيلة جاية تحج من واحد اسمه محمد ابن عبدالله عليه الصلوة والسلام. بحيس انه لو راح لهم المخيم بتاعهم بيكوا مقولين - 00:05:50

مقولين منه اصلا. قصص كتير جدا حصلت في مني لحد ما جه عام الحزن وهو اشد عام على النبّي عليه الصلوة والسلام. لما النبّي عليه الصلوة والسلام خرج من شعب ابي طالب وكان المنتظر ان ده فرج كبير فاذا به ازدياد للشدة يوم عشرة رمضان في سنة عشرة - 00:06:10

مكية تموت السيدة خديجة رضي الله عنها وارضاها. في بعض الاقوال ان ابو طالب مات قبلها بثلاث تيام يعني سبعة رمضان. وفي بعض اقوال انه مات بعدها بخمسة وتلاتين يوم - 00:06:30
يعني حوالي خمسة يعني حوالي خمساشر شوال وتموت خديجة ويموت ابو طالب ويبدأ كبار قريش يبدأوا ياخدوا موقف مسرح ضد النبّي عليه الصلوة والسلام ضد ايذاء النبّي وندخل في عام الحزن بالاحداش الاليمّة بتاعتته. والنبي يطّرد من مكة والنبي يروح الطائف يطّرد من ناو - 00:06:40

وتبدأ الدنيا ببقى شكلها كده لأنها سوداء. لأن ما فيش امل في الواقع ده خالص. النبي عليه الصلوة والسلام يصبر على عامل حزن والله يطّب عليه الصلوة والسلام برحلة الاسراء والمعراج. الله سبحانه وتعالى يبيث اليقين في قلبه. ويعلمه ما وراء ملکوت السماوات في رحلة - 00:07:00

الاسراء والمعراج بعد اللام الرهيبة اللي النبّي عليه الصلوة والسلام اتحملها. النبي اتحمل اللام بدنية. اللام في شكل جوع. لما كان لا قل هو واهله الا ما يواري ابط بالال. النبي عليه الصلوة والسلام يتحمل النسالة الجوز اترمى عليه. واتحمل ان هو يتختنق عند الكعبة.

ويجب لركبته عليه الصلاة - 00:07:20

فلم يغنى عليه. النبي عليه الصلاة والسلام اتحمل الام نفسية. اتحمل ان زوجته خديجة تموت متأسراً بجوع الشعب. بقاياك لورق الشجر. اتحمل ان بناته يأكلوا ورق الشجر اتحمل عليه الصلاة والسلام اتحمل الام في اصحابه. كل واحد النبي عليه الصلاة والسلام كان بيحبه كان بيموت. حمزة اقتل وهو من اهل البيت. سيدنا - 00:07:40

ابن عمير اقطع قدام النبي عليه الصلاة والسلام في احد. خيرة اصحابه سبعين واحد اقطعوا قدامه. في احد. السيدة زينب وهي بتحاول تهاجر. هبار ابن الاسود يطعن الدابة ب ساعتها وتصاب يعني يتكسر لها اضلاع وتفضل مريضة ست سنين لحد ما تموت متأثرة بالجراحة - 00:08:00

ايه اللي حصلت لها وهي بتهاجر رضي الله عنها وارضاها. النبي عليه الصلاة والسلام استعمل الام كثير جداً. واستعمل الام من انواع كثير جداً عليه الصلاة والسلام وربنا يعطي النبي رحلة الاسراء والمعراج وينزل النبي ويكمم دعوة ربنا. سبحانه وتعالى. وتحتاجي سنة حداشر مكية. والنبي برضه - 00:08:20

مستمر على نفس النهج في المحاور الثلاثة. محور النزول في شوارع ونواحي مكة وبيوت مكة. المحور الثاني مخيمات مني. المحور الثالث سفر في قبائل العرب في شمال وجنوب وشرق وغرب الجزيرة العربية. كل ده عشان يحاول انه يلاقي حد ينصره. كل ده بجانب التربية - 00:08:40

وبجانب دار الارقم وبجانب محاولة تربية الصحابة وبناء الصحابة علمياً وایمانياً لانه عارف ان فرج ربنا جاي جاي ودول الرجال اللي هيسيروا الدين في الارض ساعة ما الفتح هبيجي النبي عليه الصلاة والسلام كان بيجهاد في كل ده غير جهاده جوة بيته في تربية اهل بيته في تربية ال البيت غير جهاده في - 00:09:00

عبادة بين ايدين ربنا غير جهاده في العلم مع سيدنا جبريل. جميع محاور الجهاد كان يؤديها النبي صلى الله عليه وسلم. في سنة حداشر شرمكية النبي عليه الصلاة والسلام يروح موسم الحج ويبدأ يطوف على الخيام في مني وهو وكل المخيمات - 00:09:20
المعتاد ترفض طلب النبي عليه الصلاة والسلام. وحتى اللي بيقبل يقبل بشروط. يعني ناس من بلاد العراق يقولوا له خلاص يعني ايه؟
نبقى احنا رقم اتنين لو انت مت احنا اللي نبقي الخلفاء بتوعك. واحنا اللي نمسك الخلافة. انت شكلك كده ايه؟ يعني الموضوع بتاعك هيكبر. انت مصمم ومصر. بس نبقي احنا اللي - 00:09:40

يبقى نتباعك على شرط ان احنا ناخد موقع في الدعوة بتاعتكم. فالنبي عليه الصلاة والسلام يرفض ما فيش تمن غير الجنة. اللي داخل داخل مقابل الجنة مش مقابل ولا مقابل شروط. ناس تانية تقول له احنا نتابعك بس على شرط نحارب العرب كلها. انما الفرس لـأ. لا طاقة لنا بحرب الفرس. والنبي ناس تالتة تسخر من - 00:10:00

النبي عليه الصلاة والسلام والنبي يقع من الدابة بتاعتكم يقعدوا يسخروا منه ويترىقون على النبي عليه الصلاة والسلام وهكذا. ولحد اخر يوم في مني الكل ترك مخيمات مني وبقي ست شباب كده وهم لسه بيحلو بقى في النهاية عشان ماشيين على ما تبقى من مراسم الحج الابراهيمية مع شوية - 00:10:20

الغلطة الشركية اللي دخلت عليها. النبي عليه الصلاة والسلام يدخل يكلمهم. يطلعوا من بلد اسمها يثرب. يثرب دي بلد فيها حرب اهلية طاحنة. الحرب الاهلية البلد اقتصادياً وال الحرب الاهلية ما سابتتش ولا واحد من كبار البلد زعيم البلد كلها واحد اسمه سعد ابن معاذ عنده تلاتين سنة. ده الكبير بتاع البلد - 00:10:40

تلاتين امال اللي زي ابو جهل وابو لهب كله اقتل. كل الكبار اقتلوا. ما فيش بيت ما فيش فيه واحد اقتل في الحرب الاهلية. في المدينة المنورة. واليهود مسيطرة عليها وبيأججوا الحرب وفيها اوبئة. اي حد بيدخل بيجي له الوباء بتاعتكم. زي بالذنب كده تعادل الوقت مسلا ايه مسلا دولة في وسط افريقيا - 00:11:00

اللي بيروح لازم يجي له ملاريا ولازم آلو ما خدش ومحتجج تطعيمات وفقر ومشاكل بقى. النبي عليه الصلاة والسلام يلاقي بلد بالمنزد ده النبي بيذعو الجميع يكلمهم عن ربنا. يحس الشباب دول ان كلام النبي عليه الصلاة والسلام فيه امل. امل في الدنيا ان البلد

بتعاتهم تتصلح - 00:11:20

امل في الآخرة لأنهم كانوا مجاوريين لليهود. واليهود دائماً بيتكلموا عن ربنا ويسيخروا من وثنية أهل يثرب. فكأن وجود اليهود نفع اسلام انه مهد لهم ان فيه الله واحد. فلما النبي عليه الصلاة والسلام اتكلم معه وما كانش كلامه غريب ويبدأوا يقبلوا الدعوة. النبي عليه الصلاة والسلام - 00:11:40

ياماً سمع كلام من الناس. وياماً سمع وعود من أبو جهل نفسه. ومن أبو طالب عمه. ياماً سمع وعود فطبيعي ان ست يا شباب يتحمسوا وهنليل الدين واحنا معك على الاسلام والله اكبر زي اي شاب يريد دخلكم. وبعد يومين ما عدتش بتلاقيه. او شاب يدخل في رمضان يومين وبعد رمضان ما تشفووش خلاص - 00:12:00

كان شوية سخونية وراحوا. شوية اكتئاب نفسي جو له بسبب ان هو بعيد عن ربنا. واول ما صلى وبدأ يرتاح قام خالع. هو مش فاهم. وقام خارج وقام ماشي. فالنبي - 00:12:20

حسام قال لهم اقابلكم السنة الجاية. سنة كاملة يا رسول الله! ما انا لازم اعرف هم رجاله ولا لأ. لازم اعرف هي دي نزوة فعالية ولا دي فعلاً كلام جد؟ السنة اللي - 00:12:30

بعدها النبي عليه الصلاة والسلام يصبر وفي حج اتناسير مكية خد بالك السنين قاعدة تتعدي وفي حج اتناسير مكية يجي اتناسير شاب للنبي عليه الصلاة والسلام سلام عشان يباعوه على الاسلام. الستة كل واحد راح دعا واحد. فتخيل لو المسجد ده كل واحد الاسبوع ده دخل على واحد - 00:12:40

قابلنا الاسبوع الجاي الشارع برة اتقفل اصلاً ليه؟ لأن لو كل واحد اشتغل على واحد بس. لو كل واحدة اشتغلت على واحدة بس دعتها الى الله كان الصحابة لما بيباجوا يدعوا حد يقولوا له ايه يقولوا له انا نخشى ان تكون فحمة من فحم جهنم. انا نخشى ان يحترق جسده في جهنم زي ما كانوا - 00:13:00

يبعدوا عمرو بن الجموح كده انت تتحرق في نار جهنم ليه؟ فكانت الستة رجعوا للنبي عليه الصلاة والسلام اتناسير. والنبي عمل معهم البيعة اللي بيسموها النساء باعت النساء دي لأن الكلام ده مش هو النهائي. ده بعد كده الكلام اللي النبي بايعهم عليه ده بقى بيعة النساء. انما بيعة الرجال اللي هييشيلوا الدين - 00:13:20

اتغيرت وبايت الرجال مش معناها برضه انها للرجال مش للنساء. لأن بايعة الرجال كان فيها نساء ولكن كان شروطها اصعب. وشروطها اكبر. وشروطها كانت الشروط مش اي انسان على وجه الارض يقدر يقبلها اصلاً او يقوم بها. فسميت بيعة الرجال رغم ان كان فيها نساء. زي نسيبة بنت كعب كده كانت مبايعة فيها رضي الله - 00:13:40

عنها وارضاها. وزي آآآ يعني احدى يعني برضو نساء الصحابة اسمها السيدة اسماء. يعني النبي عليه الصلاة والسلام يلاقي اتناسير واحد جايين لأ رجالة ويبيتكلموا بجد. النبي عليه الصلاة والسلام يقعد معهم في الحج بقى يعلمهم ويتكلم معهم ويدعوهم. وينور لهم طريقهم. وهم راجعين - 00:14:00

ما ساهمش يرجعوا لوحدهم. رجع معهم اثنين. بعث معهم مصعب ابن عمير. وعبدالله ابن ام مكتوم الاعمى اللي نزل في سورة عبس. كان بقى من العلماء في الوقت ده بقى لما نزلت صورة عبس كنا سنة ثلاثة مكية. الوقت عدى تمان سنين او تسع سنين بعد ثلاثة مكية. التسع سنين دي عبدالله - 00:14:20

ام مكتوم بقى فيها من العلماء وبقى من حفاظ كتاب الله. وبقى من اهل العلم في القرآن. ما تستقلش بنفسك. ما تستقلش ان انت موهبك قليلة اوكي وان انت يعني ما انتاش واحد وضعك مسلا دنيويا. عبدالله ابن ام مكتوم النبي بعثه مع مصعب ابن عمير. مصعب ابن عمير الداعية الاسلام الجبار دهو - 00:14:40

والنبي بيعت مع عبدالله ابو ام مكتوم. الاثنين دول كانوا رايجين في مهمة مصيرية بالنسبة للإسلام. ان المدينة تفتح ما كانش معهم زاد. ما كان وراهم دولة كبيرة. زي دلوقتي مسلا الشيعة في البلاد لما بيباجوا يدعوا الناس للتشيع يقولوا لهم شوفوا ايران شوفوا مش عارف ايه وراهم دولة. انما النبي لما بعثت - 00:15:00

صعب ما كنش وراه حد كان وراه دعوة مستضعفه. شوية مطرودين في الجبعة. شوية في اليمن وقبائل العرب. شوية كانوا في الشعب في مكة ولسه خارجين منه ما كانش فيه حاجة تغري الناس بالاسلام غير الایمان السليم. واليقين الصادق ما كانش معهم زاد غير حاجة واحدة - 00:15:20

بس نسختين من المصحف كان اللي نزل في الوقت ده حوالي نصف القرآن النبي عليه الصلاة والسلام اعطى نسخة لمصعب ابن عمير ونسخة لعبدالله ابن ابي مكتوم بس ليس معهم الا القرآن. ليس معهم الا صحف فيها كلام الله. وفيها كلام القرآن وليس معهم اي شيء اخر. لا معهم اموال - 00:15:40

فهيدوها اللي هيسلم ولا معهم مراكز يوعدوا بها اللي هيسلم. ليس معهم اي شيء الا كتاب الله. والا صحائف مكتوب فيها ايات الله فقط وينطلقوا الى المدينة المنورة مع اتناسير واحد. المدينة المنورة بلد عايش فيها كذا الف. كل اللي اسلموا فيها اتناسير. تخيل بقى ذي - 00:16:00

صورة كل اللي اسلموا فيها اتناسير كنا احنا دلوقتي امتى ؟ الوقتي الصحابة راحوا الانصار راحوا للنبي عليه الصلاة والسلام نواة الانصار في زو الحجة الحج بيخلص على نص ذي الحجة. رحلة العودة للمدينة بتاخذكم يوم ؟ الهجرة خدت من النبي عليه الصلاة والسلام كم يوم ؟ الهجرة اللي احنا هنختلف بها الايام دي - 00:16:20

خدت من النبي كم يوم خمستاشر يوم. يبقى عشان ترجع المدينة بتاخذ حوالي هزه المسافة. يبقى كل الاحداث دي بدأتن فين ؟ شهر الله المحرم يبقى كل الاحداث دي بدأتن عند نهاية زو الحجة وبداية اللي بعده على طول يبقى بداية الانصار في المدينة. بداية زهاب مصعب للمدينة - 00:16:40

القصص اللي هنحكيها دلوقتي عن بداية بزوج نجم الاسلام في المدينة. كل ده بدأ من شهر الله المحرم. يعني كل ده في مسل هزه الايام التي نعيشها عشان كده بقول لك شهر الله المحرم ده مش بس بداية سنة. ده مش بس بداية توبة جديدة مع ربنا. ونهاية سنة وفكرة وانت جاهز انك تعرض على الله - 00:17:00

لأ لأ ده كمان بداية الاسلام. فممك يبقى بداية حياتك وبداية عزيمة جديدة. وتتجديد عزيمة جديدة في علاقتك بالدعوة الى الله. سيدنا مصعب ينطلق الى المدينة يروح يشتغل في الدعوة. في السر لان هو يعني بلد ما فيش فيها غير اتناسير واحد بس اللي اسلموا. فيبدأ بقى - 00:17:20

امسك الثلاثة دول يكلمهم. السبعة تمانية دول بقى يعني. فمر سيدنا مصعب بقى تجراً كده وقام واحد مجموعة سبعة تمانية كده وقعد عند بئر من الابار. كلام وصل لمين ؟ وصل للاتنين القادة بتوع المدينة المنورة بتوع بنى عبدالاشهل. سعد بن معاذ ده الكبير بتاعهم اللي عنده تلاتين - 00:17:40

ده اللي اسلم وعنه تلاتين سنة ومات وعنه ستة وتلاتين سنة. واهتز له عرش الله. اهتز له اضخم مخلوق في الكون. انت بقى لك كم سنة عملت انت ايه في الكزا سنة دول ؟ النبي عليه الصلاة والسلام بعث للمدينة مصعب ابن عمير عشان يدعوه في المهمة المصيرية. لو النبي عليه الصلاة والسلام - 00:18:00

وجود وسطنا دلوقتي هيبيت مين ؟ ممكن يبعتك انت ممكن انت تروح تغير مدينة بالدعوة الى الله. عندك حب الدعوة فرصة الدعوة وفن الدعوة والارتباط بالقرآن انك تؤدي هزه المهمة ؟ ولا احنا متاخرين يا جماعة ؟ الكلام ده عايزينه يدينا طاقة ايجابية مش يدينا طاقة سلبية. مش - 00:18:20

قضية نوم وعتاب. قضية يلا عايزين نتغير بقى. عايزين نبدأ بداية جديدة بقى. سيدنا مصعب بن عمير مرة بيتكلم معهم يوصل الخبر سعد ابن معاذ ويوصل الخبر لاسيد ابن حضير اتنين من الكفار اللي بيقودوا المدينة المنورة في الوقت ده ومن او هم ساد الدين - 00:18:40

بني عبدالاشهل ويوصل لهم الخبر سعد بن معاذ ايه ؟ يا سيبة حرب اهلية، وكمان واحد جاي لنا يعني بيتكلم اي كلام ويعيب في الهتنا. فسعد ابن معاذ قال له اسيد ابن حضير اذهب اليهما. هو في ايه التهريج اللي بيحصل ده ! اسعد ابن زراره. هو صحيح ابن -

خالتی ولكن يروح يأوي مصعب ابن عمير في بيته. ومصعب ابن عمير يغير دين الناس لأ. ده لا يمكن يحصل. اللي عمله اسعد ابن زراارة رضي الله عنه وارضاه في المدينة هو نفس اللي عمله الارقم ابن ابي الارقم في مكة. ده اللي اوى الاسلام في المدينة. ده اللي خد مصعب ابن عمير في بيته. وبدأ ينطلق مع - 00:19:20

الدعوة الى الله وهو كان قريب سعد بن معاذ راح لهم اسيد بن حضير وماسك الحرية في ايده. هي بلد ما كانتش بتتفهم غير كده اصلا بالسيوف. هم كانوا قاعدین يدبحوا - 00:19:40

في بعض في المدينة المنورة. يعني لو تاك دلوقتي مسلا انزل بلد فيها حرب اهلية. زي مسلا بعض بلاد الوطن العربي دلوقتي اللي فيها حرب الية. انت ممكن تخاف تنزل اصلا تشتغل في - 00:19:50

دعوه دافعها سيدنا مصعب را يح الدعوه لازم تنتصر. والدعوه لازم تنتصر. راح له اسيد ابن حضاري ومعه الحرية تخيل انت في جولة
كده واحد داخل عليك بسيف بيقول له ان كانت لك حاجة في نفسك فقم من ها هنا. لو انت مش مستغنى عن رقبتك ومش مستغنى
عن روحك - 00:20:00

قم من هنا. انت ايه اللي جاييك هنا؟ سيدنا مصعب ابتسم كده. اسيد ابن حضاري ده بكرة الملايكة هتنزل لقراءة القرآن. اسامه ابن حضاري ده من اصحاب الكرامات من اشهر الصحابة في الكرامات. سيدنا اسيد رضي الله عنه وارضاه. وسعد بن معاذ ده بكرة هيي هنزا لها عرش الرحمن. ما تحكمش على الناس من بره. الناس مليانة خير من جوة - 00:20:20

ما تتقفلش من منزr المعصية. وما تتقفليش من منزr اللي ماشية في الشارع كاشفة شعرها ومتبرجة. يا اخوانا الناس مليانة خير. ما تتقفل من منزr صاحبك اللي ما فيش معصية الا وعصى ربنا بها. اخوانا والله الناس لو لقت رفق زي رفق مصعب ورحمته وابتسمته سبسم لقسدي اب: حضفة - 00:20:40

يبيقول له هلا تجلس فان قبلت امرا فان سمعت امرا وقبلت والا كففنا عنك ما نكره. يا عم خلاص انا هسيب ويثيرب وامشي بس ما تسمع كده. ما يمكن الكلام ده. قال له خلاص ماشي. حط الحرارة الحرية بتاعته وبدأ يسمع. سيدنا مصعب بدأ يتكلم عن الجنة وعن النار. وعن اول 00:21:00

هنا في القبر وعن الفردوس الاعلى وعن جلال ربنا وعن ربنا هيديك ايه في الدنيا لو انت اسلمت وانت قام ربنا من العصاة اللي ممكن يكون من اساره وباء المدينة وال الحرب الاهلية في المدينة بدأ اسيد ابن حضاري يسمع كلام ازهله. بدأ وشهه كده ينور قال له مازا يفعل من اراد ان يدخل في - 00:21:20

هذا الدين قم يا عم اخترل وصل ركعتين وقل الشهادتين. سيد ابن حضيري رجع لسعد ابن معاذ قلبه مخلوع من مكانه. خلاص بقى بني ادم طيب استاذ ابن معاذ بيقول له عملت ايه؟ قال له خلاص وعدوني ان يكفووا عنا ما نكره وخلاص الناس دي ماشية وخلاص ما عدش حد قاعد في المدينة - 00:21:40

سعد ابن وعاظ بيتص له كده وشه مش هو نفس الوش اللي راح به. وشه متغير. ده اللي بيقوم الليلة. اللي بيصللي ركعتين وشه بيتغير. اومال اللي يدخل في اللي نور ربنا دخل في قلبه وجلال ربنا دخل في قلبه. بشوية كده وهو سايب من الحضارة قال له بس فيه مشكلة. قال له ايه؟ قال له الوقت في ناس عرفت - 00:22:00

ان اسعد ابن زراره اللي هو قريب سعد ابن معاذ. اه اللي قاعد مع مصعب ابن عمير بدأ يتكلم في دين تاني ومصممين ان هم يقتلوه فطبعا هو سعد بن معاذ مش قضيته بقى يقتلونا قضيته ان فيه حرب اهلية فلما ييجي اعداءه في نفس اللي يسرب يقتله قريبه -

اعتداء رهيب وحرب تنتقل. سعد ابن معاذ سمع الكلام مسك الحرية وطلع. راح لقى الدنيا قاعدة زي ما هي. ومصعب ابن عمير قعد يكلم الناس عن ربنا زي ما هو والدنيا زي الفل عرف ان اسيد ابن حضير زقه عشان يسمع. فطبعا غضب. فقال لمصعب نفس الكلمة. ان كان لك حاجة في نفسك فقم - 00:22:40

من ها هنا حس ان ياسر ابني ما كانوش بيعاملوا غير كده. هو بالسيف ما فيش حد بيتفاهم مع حد اصلا. هو كل واحد ماسك الحرب
بلد رهيبة. حته بلد قد - 00:23:00

كده والناس مولعة في بعض. بقى لهم عشرين تلاتين سنة في حروب ولسه خارجين من حرب بعاث. كل القادة الكبار مقتولين فيها.
فسيدنا مسعد ضحك برضو تاني قال له الا تجلس فاحدثك؟ فان قبلت والا كففنا عنك ما تكره. سعد بن معاذ ماشي قل يا عم ايه
القصة - 00:23:10

اصعد ابن عمير انطلق كل النور اللي في قلبه بلحظات يا اخواننا دي لحظات مصيرية في تاريخ الاسلام. الناس دي اول ما اسلمت
الخبطه بتاعة اسلام دول قلبت المدينة المنورة. المغرب ما ادنش غير والمدينة كلها مقلوبة. دا احيانا انت بتشتغل بيفضل الموضوع
صعب صعب. فجأة - 00:23:30

ربنا جاب الفتح المبين. لكتش دعوة الفاتحة هييجي امتي؟ انت لك انك شغال عند ربنا. انت لك انك بتكافح في الدعوة الى الله،
وطريقنا طريق الدعوة. المدينة المنورة افتحت بيت دعوة قبل ما مكة تفتح بالجهاد. الدعوة الى الله فتحت دول. الدعوة الى الله
غيرت نظام مصر كله ايام سيدنا يوسف - 00:23:50

الدعوة الى الله فتحت المدينة المنورة. مين اللي قال ان الدعوة ما بتغيرش الواقع؟ مين اللي قال ان الدعوة ما بتصلحش الواقع؟
مين اللي قال الدعوة ما بتصلحش الفساد؟ مش - 00:24:10

عايزين نكفر بالدعوة وننكر بمنهج الدعوة. فلما كلمه قال انك اليوم لدينا مكين. منهجنا الدعوة الى الله. حتى اخر لحظة بازن الله
سبحانه وتعالى نلقى الله على الدعوة الى الله ونحن نتكلم عن الله. سبحانه وتعالى. لازم نؤمن بمنهجنا بس هو اللي احنا - 00:24:20
واحد يقول طب ما احنا اشتغلنا في الدعوة. يا ابني هو انت اشتغلت في الدعوة. فين الدعوة دي؟ فين الدعوة؟ تعال اشتغل في
الدعوة زي ما مصعب كده اشتغل. شف سيدنا مصعب بيعمل ايه وابن ام مكتوم بيعمل ايه - 00:24:40

والرسول بيعمل ايه في مني؟ هي دي الدعوة يا ابني؟ اللي انت بتعمله ده شوية احلام واماني. فين الجهد اللي هي الدعوة زي
الستة بتوع اللي يسرب لما رجعوا للنبي بعدها اتاشر كل واحد جايب واحد. دي الدعوة الى الله. سيدنا مصعب ابن عمير بدأ يتكلم
سعد ابن معاذ قلبه اتشرح قال - 00:24:50

مازا يفعل من اراد ان يدخل في هزا الدين؟ بس بدأ خد بالك كل الاحداث دي امتي؟ اول ما مصعب راح المدينة فورا يعني نحن الان
خلاص بعد ذو الحجة يعني في في بداية احداث انتشار الاسلام في المدينة. احنا دلوقتي في شهر محرم في الايام الاولى شهر الله
المحرم ده. مرتبط بال بدايات - 00:25:10

دايما مرتبط ب بدايات حاجات كتير. يعني ممكن نلحق نتكلم عنها او لا. بداية توحد الجزيرة العربية كلها تحت امرة الاسلام بعد القضاء
على يهود خير خير كانت في شهر الله المحرم. بداية دخول الاسلام في مصر فتح الاسكندرية كان في شهر الله المحرم -
00:25:30

التمهيد لفتواهات الاسلامية الغزوة. اللي قالوا ان دي اللي مهدت الطريق لفتواهات الاسلامية زات الرقاع كانت في شهر الله المحرم.
تحويل القبلة وبداية التوجه للقبلة الجديدة مكة كانت في شهر الله المحرم بداية هجرة اصحاب النبي عليه الصلوة والسلام كانت
فشار الله المحرم - 00:25:50

الله المحرم ده تحس ان ربنا مصطفيه ان يبقى البداية انه يبقى بداية احداث كتير جدا في تاريخ الاسلام. مش بس بداية سنة. عشان
كده اسمه شهر الله ما فيش اي شهر تاني اتسمى شهر الله. الشهر الوحيد زي ده. يعني يقول لك ده كتاب الله. يبقى ما تقارنوش باي
كتاب تاني. ده نبي الله. ما تقارنوش باي - 00:26:10

شخص تاني ده بيت الله ما تقارنمش الكعبة باي بلد تانية. فده شهر الله. الشهر ده بتاع ربنا. فالشهر ده ربنا اراده انه يبقى بداية لنا
دائمة. عشان كده العمل اللي النبي عليه الصلوة والسلام ربط محرم به الصيام. افضل الصيام بعد رمضان شهر الله المحرم. صيام -
00:26:30

محرم اعظم عند ربنا من صيام شعبان. اللي بترفع فيه الاعمال الى الله. فالصيام اشمعنى الصيام؟ لأن من كانت له بداية محرقة كانت له نهاية مشرقة فالرسول اختار العمل الصعب اللي فيه عزوف عن الدنيا وزهد في الدنيا تبدأ به السنة لو بداية السنة ببداية مباركة السنة كلها تبقى - [00:26:50](#)

مباركة لو بدأت السنة صرينا يفتح لك في السنة كلها. سيدنا مصعب ابن عمير في ساعة واحدة اتنين قادة في المدينة المنورة اسلموا سعد بن معاذ طبعا سعد بن معاذ واحد اهتز لعرش الرحمن. يعني مش واحد منا دخل الالتزام ودخل في الصراعات نفسية بقى. طب اعمل ايه - [00:27:10](#)

طب والدتي بتقول لي ما البיש النقاب؟ طب ابويها مش عايزني اصلي في المسجد؟ دول ناس يا اخوانا كانت دخلتهم في الدين غيرنا خالص. سعد بن معاذ راح لبني عبدالأشعب - [00:27:30](#)
كلهم. راح لقومه انتم علي حرام. لا عايز كرسي ولا عايز ابقي سيدكم. ليه؟ قال لهم لقد اسلمت. فمن لم يسلم فهو علي حرام كلبني عبدالاشهل دخلوا في الاسلام الا رجل واحد. حد عارف اسمه؟ الا صيرب الاصليل ده الوحيد اللي ما دخلش في الاسلام. اسلم بعد الموقف ده - [00:27:40](#)

ثلاث سنين يوم غزوة احد. ودخل قاتل في احد من غير ما يصلي ولا ركعة. ولا يغتسل للإسلام. دخل قاتل في احد. واستشهد والنبي عليه قال انه دخل الجنة ولم يسجد لله سجدة واحدة. فسبحان الله ممكنا واحد يعني اتأخر التزامه. اتأخر اقباله ما تيأسش من حد - [00:28:01](#)

هبيجي كل حاجة هتيجي بازن الله. اهم حاجة احنا نكمل في الطريق بتاعنا. اهم حاجة احنا نكمل في دعوة ربنا سبحانه وتعالى. وما نيأسش من حد ابدا. بعد كده سعد ابن - [00:28:21](#)

عزم داخل على مراته جاية بقى بتجري عليه جوزها بقى جاي من برة. قال لها انت علي حرام ايه! يا عم فيه ايه! انا عملت لك حاجة!
قال لها لقد دخلت في الاسلام. وان لم تدخلني - [00:28:31](#)
الاسلام فانت علي حرام. بص ما بتتفاهمش. فعلا يعني واحد زي ما عمل كده اما راح يطوف حوالين الكعبة. وابو جهل جه يتشكل معه وانت اوitem بعد هجرة النبي عليه الصلاة والسلام قال له لاقطعن عليك طريق تجارتكم من المدينة. يعني ساعات ده ابو جهلة يقتلك - [00:28:41](#)

انت واحد يعني ما انتش آآ يعني ما انتش امريكي مسلا يعني بقى وجواز الصفا الازرق ما حدش هيعرف يكلمك. يا عم ده انت من حته قرية فلاحين في الجزيرة - [00:29:01](#)

عربيه اسمها يسرب. بلد فقيرة اصلا وتبانة. وواقف تكلم ابو جهل زعيم فاتيكان الجزيرة العربية. في قلب الكعبة وتقول له عليك طريق التجارة. يعني ده لما المشركين يعني حسوا ان فيه بيعة عقبة بين النبي والانصار اللي هي بيعة الرجال. جابوا سعد - [00:29:11](#)

ابن عبادة اللي هو الرئيس الثاني للمدينة المنورة مع سعد بن معاذ جرجروه والدك فيعني ومع ذلك سعد ابن معاذ راجل هو عنده قوة هو ده في غزوة بدر وقف وقال للنبي عليه الصلاة والسلام لما النبي قال اجيبوا عنى ايها الناس. يقوم ابو بكر يقول له يا رسول الله وراك وامك! انا مش عايز ابو بكر ما انا عارف ان ابو بكر معى - [00:29:31](#)

يوم عمر يا رسول الله انا عايز اعرف الانصار جايين ولا مش جايين؟ الكلام اللي اتفقنا عليه في بيعة العقبة هينفزوه النهاردة ولا اؤ؟
قام سعد ابن معاذ قال يا رسول الله ان كنت تقصدنا فسالم من شئت وحارب من شئت وصل حبال من شئت وقطع حبال من شئت - [00:29:51](#)

والله لو خضت بنا الى برك الغمام لخضناه وراءك. يا رسول سعد ابن معاذ ده فعلا شخصية اهتز له عرش الرحمن. هو ما عندوش حاجة في حياته غير ربنا سبحانه وتعالى سيدنا سعد بن معاذ دخل على مراته اسلمت قومه اسلموا المدينة المنورة نامت ولا يوجد في بيتها ما دخلش فيه. الاسلام - [00:30:11](#)

وكان يوم تاريخي فضل سيدنا مصعب ابن عمير معهم كل الشهور دي بقى من بعد محرم طول السنة لحد عند ذو القعدة ده كده لحد قبل الحج بسبيطة رجع للنبي قعد يربىهم ويعملهم القرآن ويديهم معاني ايمانية ويحكي لهم عن المرحلة المكية - 00:30:31
وهم الدين ويزرع فيهم معاني جبارة مربى سيدنا مصعب ما كانش بس داعية دا داعية ومربي. دا مصعب دا لوحده ربى المدينة المنورة قبل ما يرجعوا للنبي عليه الصلاة والسلام في بيئه الرجال. شخصيات جبارة. انت الوقتي تقدر انت انك تعمل كده في مدينة داعية يسلمو على ايديك. وبعد كده كمان - 00:30:51

ربى تربىهم على القرآن ومعانيه. والعبادة لحد ما رجع مصعب قبل موسم الحج. في سنة تلاتاشر تلتاشر مكية والسنين بتبعدي. والنبي عليه الصلاة والسلام بقى عنده ثلاثة وخمسين سنة. واي مصلح في سن النبي عليه الصلاة والسلام هيقول لك خلاص انا انا - 00:31:11

رسالتي انتهت. انا ما عدتش اقدر اعمل حاجة جديدة. انا خلاص مش ممكن ان انا ده لسة كمان تمان سنين عمال ييجي فتح مكة. يعني قبل فتح مكة والنبي عليه الصلاة والسلام عنده كم سنة؟ عنده واحد وستين سنة مسلا عليه الصلاة والسلام قبل فتح مكة بشهر كده. والنبي عليه الصلاة والسلام واحد عنده واحد وستين سنة، خلاص القصة انتهت - 00:31:31

في زول عربية كلها على الشرك. كلها اجماعا. كلها بتتسجد لهبل ومنام. قبل فتح مكة بشهر واحد. والنبي عليه الصلاة والسلام ما عندوش يأس ان ربنا قادر على تغيير الواقع. الشاب اللي بيروح يرمي نفسه تحت المترو. لأن هو عنده مرض جلدي ومش زعلان ان الناس تبص له. البنت - 00:31:51

اللي بتولع في نفسها و بتكتب على نفسها جاز لانها كبرت وما اتجوزتش. الست اللي سمت نفسها لأن جوزها عنده فشل كلوي ومش لاقية تأكل. الرجل اللي راح راح انتحر وشنق نفسه لأن مراته اطلقت منه لأن هو مش لاقي يصرف عليها. الرجل اللي رمى نفسه من بلكونة لأن ابنته عنده سرطان وما عهوش علاجه - 00:32:11

اليأس من رحمة الله. ان الناس بتتوصل يعني الواحد ممكن يتخييل ان انتحر بسبب مسلا اكتئاب نفسي والام ربنا يعافينا يا رب ويعافي. مرض المسلمين اجمعين انما ان اللي ان وقت الانتحر بقى بسبب اليأس من رحمة الله. اليأس ان ربنا ممكن يغير الواقعه للانسان فيه - 00:32:31

ده الايمان لو ما بيدخلش الجنة. لو ما بينجيش من النار. لو الايمان بس ما بيعملش حاجة. غير انه بيملى القلب بالامل لكتفى ثمرة من ثمرات الايمان ان الايمان ده حاجة عظيمة. ان انسان اتحط في موقف صعب الدنيا تسود قدامه يقوم رايح مموت نفسه والعياذ بالله. يقول لربنا ايه ده؟ يقول له يا رب انا ظنيت ان انت - 00:32:51

ما انتاش هتقدر تغير اللي انا فيه. يعني ده ده اللي مات يأسا من رحمة الله ده والعياذ بالله. يعني ده ده انه لا يقتنط من من روح الا لا ييأس من روح الله الا القوم الكافرون والعياذ بالله. سيدنا مصعب يروح للنبي عليه الصلاة والسلام يقول له الانصار خلاص الاسلام انتشر. طبعا تخيل انت - 00:33:11

كده رايح للنبي عليه الصلاة والسلام على الحوض هتبشره باليه؟ لو النبي عليه الصلاة والسلام جه الوقت وكلنا جربينا عليه. انت هتجربي عليه يا رسول الله؟ انا انا باقع في العادة السرية - 00:33:31

وبتفرج على موقع وحش الرزاق. هتروح للنبي بمصايبك. هتروح للنبي باليه؟ ولا يا رسول الله انا في الف واحد التزم على ايدي يا رسول الله انا كلتي كلها تغيرت بسبيبي. وانا يا رسول الله والله العزيم مش عارف البس مش عارف ايه واقعد بحط كحل من تحت النقاب - 00:33:41

وعايز اخلعه اصلا والدنيا ضيقه معي هتروح للنبي بمشاكل وهموم ولا انت راجل! عندك انتاج وعندك انجاز في الاسلام. مصعب رجع للنبي قال له المدينة كلها دخلت في الاسلام يا رسول الله. مش بس كده ده ده خبر يفرح النبي عليه الصلاة والسلام. ولكن كان عنده خبر اعظم من كده - 00:34:01

اهل المدينة قادرين يصبروا ان انت في الازى تشوف مصعب بقى ربهم على هم الدين. رباهم انهم يبقو رجالة. فلما بصوا كده احنا

اذا قاعدين هنا في بلدنا والنبي قاعد بيطارد ما بين الخيام في منى وما بين قبائل العرب. ويقذف بالحجارة. هنجيب النبي.

هتجيبوا النبي انت فكرك هتجيب مين؟ ده انت - 00:34:21

الكرة الارضية كلها تحارب فيك لو جبت النبي عليه الصلاة والسلام. هنجيب النبي. عليه الصلاة والسلام. القرارات اليمانية احيانا بتبقى يعني يعني عقلانية كان مستحيل حد ياخد القرار ده او يجرؤ ويأخذه اصلا. ولكن الانصار صمموا عليه. مصعب بن عمير قال له الانصار مصممين انك انت تروح تعيش معهم - 00:34:41

لأ ما هو في قبائل جت تسلم على ايد النبي عليه الصلاة والسلام. فيه ناس اسلمت في قبائل متعددة. ولكن النبي ما رحلهاش. اصل النبي مش هيروح لاي حد. النبي عليه الصلاة والسلام قال له عايزيني اروح لهم؟ اه. هاتهم لي بقى اشرط عليهم خمس شروط. لو وافقوا على الخمس شروط اروح لهم - 00:35:01

انما ما اروحش ما وافقوش خلاص او مسلمين زي اي مسلمين موجودين في الوقت ده. انما عايزين بجد النبي عايزين محمد ابن عبدالله قالوا عايزين انهم يبقو حملة الاسلام في الارض لها تمن. انت عايز تبقى مع النبي في الفردوس الاعلى لها تمن. عايز تدخل الجنة وخلاص لها تمن. عايز تبني - 00:35:21

من جيران حبيب الله محمد عليه الصلاة والسلام لها تمن. عايز تروح للنبي على الحوض مع اصحابه لها تمن. الموضوع مش احلام واماني. فان امنوا بمثل ما امنت به. اللي عايز يبقى معهم يبقى زيه. كما دخلوه اول مرة. نفس الوصف بالمطابقة كما وصف حال - 00:35:41

حالك زي حالهم. النبي عليه الصلاة والسلام قال له هاتهم لي بقى. اباعهم المرة دي على الشروط اللي بجد. لو هم عايزين نروح لهم. وبيجي ستة وثمانين راجل ومعهم اتنين ستاب. وطبعا جايين وسط الفوج بتاع يسرب عالي. يعني كان رئيس الفوج عبدالله بن ابي بن سلول. ما يعرفش اي حاجة. ما يعرفش انهم رايحين - 00:36:02

النبي ده هم ستة وثمانين وسط الایه ؟ وسط المتبين تلتميت حاج من حجاج يسرب كده. طالعين في وسطهم كده وفي وسط الليل يتسبّبوا كلهم. ويروحوا عند الجمرة الكبرى جمرة العقبة. وتتم بيعة العقبة في مخيم كده من المخيمات. يجلسوا مع النبي عليه الصلاة والسلام. النبي - 00:36:22

سلام عايزني عندي خمس شروط. الشرط الاولاني تباعوني على السمع والطاعة في المنشط والمكره. هتسمع الكلام؟ هتدي ودنك للدين الدين هيبي منهج حياتك. ما تقوليش بقى انا النهاردة نشيط انا النهاردة عندي فطور. انت بتاع ربنا. انت جندي في جيش. ما فيش حاجة اسمها احنا طالعين نجاهد - 00:36:42

ارضي الله يا رسول الله مش ما فيش الكلام ده. سمع وطاعة في منشط ومكره. اتنين نفقة في العسر واليسر. هتصرف على الدعوة زي ما هتصرف على ولادك العاطفة اللي اتجاه الدعوة تبقى زي العاطفة تجاه ولادك. الدين يحتاج نفقة هتجيبها منين؟ ما هو ما فيش حد تاني مش هنروح نجيب ابو جهل يصرف على الدين. مش هنروح نجيب - 00:37:02

امريكا تصرف على الدعوة. تلاته على الامر بالمعروف والنهي عن المنكر. بعد كده بقى دمك ما يبقاش بارد لما ت Shawf ولد وبنت مسلا في معصية دمك ما يبقاش بارد لما ت Shawf اربعة شباب بيسربوا مخدرات في حته. دمك ما يبقاش بارد اما ت Shawf الشباب ماشي بعيد عن ربنا. دمك ما يبقاش بارد. اما ت Shawf في - 00:37:22

متبرجة وماشية كده في اعدادي ولا سانوي وممكن تكون قلبها طيب ولكن هي مش فاهمة حاجة عن قضية الدين ومحاجة خلاص انت لما هتشوف الغلط فتدعوا الى الله وعلى الامر بالمعروف والنهي عن المنكر. اربعة وعلى ان تقولوا لله لا تخافون في الله لومة لائم. لما الدين يحتاجك يلاقيك - 00:37:42

مش تبقى انت مشغول في هموم دنيتك والرسول بيتشتم هنا والدنيا والاسلاموفوبيا مولعة في امريكا واوروبا النهاردة هبحرقوا مسجد في كندا وبكرة يعلقوا راس خنزير على مسجد في هولندا. وبعده يرسموا النبي ويسيخروا منه في الدنمارك وبعده يمنعوا المآذن في سويسرا وبعد - 00:38:02

امنعوا النقاب في فرنسا وقعدوا يقتلوا بنات في انجلترا وامريكا لمجرد انهم لابسين الايسارب. وبعد واحد يرموا واحد قدام المترو في بريطانيا. في لندن لمجرد ان هو مسلم بس يقوم رامييه مموته تحت المترو. ما يباقاش الدنيا بالمنزد ده وصورة الاسلام مشوهة وانت ما لكش دعوة. ما لكش دعوة - 00:38:22

ما تقومش باي حق من حقوق دينك عليك. وعلى ان تقوموا لله لا تخافون في الله لومة لائم. خمسة وعلى ان تمنعوني مما تمنعون منه نساءكم وابناءكم رسول الله صلى الله عليه وسلم. رسول الله عليه الصلاة والسلام و موقفك منه حفتك على سنة النبي عليه الصلاة والسلام. قضية - 00:38:42

خطرة جدا. الانصار وافقوا على الخمس شروط واقروا البيعة. طب يا رسول الله احنا لنا ايه ؟ قال لهم الجنة. بس ما فيكوش اي حاجة. لا لكم ان انا اعینكم في مركز ولا لكم ان انا هامسكم بعدي. ولا لكم ان انا هاديكم فلوس لما تيجي ما لكوش اي حاجة. الجنة موافق ؟ كله قام - 00:39:02

بایع النبي عليه الصلاة والسلام يدا بيد بعد النساء طبعا بدون مصافحة. النبي عليه الصلاة والسلام اخذ البيعة. بدأ المشركين يكتشفوا الموضوع. الموضوع اتفض سريعا وربنا سترها جابه سعد ابن عبادة ضربوه. المهم في النهاية الموقف عدى ورجع الانصار المرة دي بقى بقوا - 00:39:22

قوة في المدينة المنورة رجع الانصار مستندين ان النبي عليه الصلاة والسلام جاي. الانصار قلنا ان النبي خد فرحة الهجرة خمستاشر يوم راجعين بعد نص ذو الحجة او راجعين من نص ذو الحجة يعني عام ما بدأ الانصار يوصلوا كنا داخلين على شهر الله المحرم ويصدر النبي عليه الصلاة والسلام امر فوري - 00:39:42

لجميع الصحابة والصحابيات بلا استثناء هم وزوجاتهم وولادهم بالهجرة من مكة فورا الى المدينة الهجرة ما كانتش هروب. الهجرة ما كانتش ضعف. الهجرة دي انسان هيسيب كل حاجة. ما ينفعش ان صاحبي كان يبيع - 00:40:02
لانه لو باع محله معناه انه مهاجر ما ينفعش يقول انه مهاجر اصلا. ما ينفعش صاحبي كان يبيع بيته. لانه لو باع بيته كان يقول ان هو مهاجر بقى كده - 00:40:22

ما ينفعش ان حد يحس بك اصلا. ما ينفعش. فالصحابة سابوا بيوت في اغلب بلد في العالم فيها سعر البيت وسعر الارض وسعر التجارة وسابوا كل بيوتهم تصفق الرياح في ابوابها. في منزد يقطع القلب في التضحية. الشاب اللي بيحب بنته بعد كده يسيبها ويلتزم - 00:40:32

بيجي بعد ما يتدارن انا عايز اتقدم لها واتجوزها. يا ابني اللي انت سبته لربنا خلاص. النبي عليه الصلاة والسلام كان بيمنع حد من الصحابة انه يروح يعيش في مكة بعد ما ساهاها. طب هو - 00:40:52
كان في مكة حرام يا عم الموضوع مش كده. الموضوع ان احب عبادة الى الله في الحياة هي التضحية. فاللي ضحيت به عشان ربنا ما ترجعش في كلامك فيه الموضوع هنا مش موضوع حرام وحلال. الموضوع مش ان الموضوع هنا موضوع حفظ على اللي انت ضحيت لربنا به. خليك راجل في قرار عشان كده - 00:41:02

النبي عليه الصلاة والسلام كان يرفع على الصحابة اللي سافر مكة لعرض ومات هناك. كان يرثى على هذا ليه ؟ النبي كان يريد ان خلاص سبتها انتهت. ولا حتى بعد ما افتحت مكة النبي رجع لهم بيوتهم. ولا بعد ما افتحت مكة النبي رجع لهم اراضيهم. خلاص. دي - 00:41:22

كسبتها لربنا ما تفكرش فيها تاني. انت لا تتخيل ان ربنا هيديه لك مقابل التضحية بتعاتك. احب عبادة الى الله هي التضحية. النبي عليه الصلاة فيبؤمر الصحابة ان كله يهاجر وتبدأ رحلة الهجرة الرهيبة من شهر الله المحرم. من هذا الوقت الفاضل من الشهر اللي - 00:41:42

تمسل بداية الاسلام وتبدأ الهجرة الرهيبة واول واحد هاجر كان ابو سلمة اول واحد خد مراته وسلمته وخارجين بقى وهو مش واحد بخوانا يعني ان انا يعني لسة بقى الايه ده اول واحد بيهاجر جاي يطلع لقى قوم مراته خارجين انت بتعمل ايه انت واحد بنتنا ورایح

خدوها وخدوا سلمة قام قومه خارجين طب هاتوا سلامة الاسرة اتقطعت. ابو سلمة ساب مراته وولاده. صهيب ساب سروته وفلوسه عبد الله بن جحش ساب بيته سابوا الحلال عشان دين ربنا. انت مش عارف تسيب الحرام. هم سابوا الحلال عشان - 00:42:22 دعوة ربنا احنا مش عارفين نسيب الحرام. سابوا كل ما يملكون عشان دعوة ربنا. بدأ الرجال يهاجروا. بدأ النساء يهاجروا ام سلمة يا زينب اللي اصيبيت وهي بتحاول تهاجر وفضلت مجرورة لحد ما ماتت بعدها بست سنين. رضي الله عنها وارضاها. والنبي عليه الصلاة والسلام عمل ايه مع قطر اللي اتقال البيت - 00:42:42

عمل ايه مع وحشني قاتل حمزة؟ عمل ايه مع هبار ابن الاسود قاتل السيدة زينب؟ عفا عنهم لما اسلمو عليه الصلاة والسلام النبي كان طاقد تسامح جبار عليه الصلاة والسلام. يبدأ رحلة الهجرة الرهيبة ويبدأ الصحابة يهاجروا. صهيب يكتشفوه - 00:43:02

قولوا انت جاي لنا صعلوك ما حلتكم حاجة. خارج لي مليونير من هنا. طب تاخدوا الملايين بتاعتي وتسبيوني! اه فلوسي في المكان الفلاني. كان عاينها عشان حد بيقى يجيبها له بعد كده خدوا راحوا خدوا الفلوس وهو ذهب. والنبي عليه الصلاة والسلام يقول ربح البيع ابا يحيى. ربح البيع ابا يحيى. اي حاجة هتسبيها - 00:43:22

يحيى مكانها في حياتك ربنا انت الكسبان. انت الكسبان. اي حاجة هتسبيها وهبيجي مكانها تدين. والعلاقة بالله انت الكسبانة. تندمش على صفة عقدتها مع الله اه ابدا ابدا. ما فيش حد يندم على خطوة قرب بها من ربنا سبحانه وتعالى ابدا على الاطلاق. وتببدأ المراقب - 00:43:42

بتاعة الهجرة على مدى شهرين ونص ويبدأ المشركين هم يعني مش فاهمين. هم بيحسبوا انه عادي زي ما فيه صحابة هاجروا الحبشة في حد خارج ولا حاجة زي ما في صحابة انما لأ ده الموضوع كبر. ده بدأت بيوت الصحابة الفاضية الابواب البيوت المهجورة بدأت - 00:44:02

ده بدأ الصحابة ما كانش عددهم قليل يعني ما كانش الصحابة في مكة تلاتين اربعين واحد. الصحابة في مكة كانوا كتير. رضي الله عنهم وارضاهم. فبدأ الموضوع بيان. وبدأ - 00:44:22

ويفهموا بقى الصحابة اختفوا فجأة. كل الصحابة هاجروا الى الله الاقلة قليلة جدا. فبدأوا يفهموا ان الموضوع اخطر من كده. ويتم اجتماع يعني اخطر اجتماع يتعمل في تاريخ قريب في دار الندوة. من اجل التعامل الفوري. ده ما عادش غير محمد ابن عبد الله هنا. هو وابو بكر الصديق دول لو هاجروا بقت مصيبة خلاص - 00:44:32

عمر هاجر ومصعب هاجر وصهيب هاجر كل الصحابة مشيوا وابو سلمة هاجر الصحابة كلهم مشوا قال لها ما عادش غير محمد ده لو راح خلاص بقت مصيبة. ورایح كمان يسرب طريق التجارة بتاعتنا. طب احنا هنعمل ايه ده؟ طريق تجارتنا للشام. فبدأوا يستশروا الخطير عملوا - 00:44:52

اجتماع ورسى الاجتماع على بد من قتل محمد بن عبد الله عليه الصلاة والسلام. يبعتوا له حد يقتله لأ يبعتوا له مين؟ الموضوع اكبر من كده. ده مكة كلها ممكن تدخل هي في حرب - 00:45:12

لو قتلوا النبي عليه الصلاة والسلام قال لك القادة بتوع مكة هم اللي يقتلوه. يعني اللي حاصر النبي في الليلة دي اللي حاصر النبي ما كانش آآ ما كانش آآ يعني عبید من اللي حاصر النبي في ليلة ابو جهل وابو لهب وعقبة ابن ابي معيط - 00:45:22 والنذر من الحارس اللي حاصر النبي عليه الصلاة والسلام في الليلة دي كانوا الكبار. اللي ما حدش يعرف يتكلم معهم. وخدوا قرار ان هم هيحاصرروا النبي من بعد العشاء. النبي عليه - 00:45:42

عليه الصلاة والسلام كل ليلة يروح يخرج نص الليل في الحرم. رغم المنع من الحرم ورغم كل القاء صدقة والنبي مصمم. ميعاد خروجه يقوموا قاتلينه. ينزل سيدنا جبريل على النبي عليه الصلاة والسلام فورا امر بالهجرة في ذلك اليوم في هزة اللحظة النبي ما ينفعش يبات في مكة. النبي عليه الصلاة والسلام طبعا كان مستعد لهزه - 00:45:52

لحظة لان الصحابة بقى لهم شهرين ونص بيهاجروا. النبي عليه الصلاة والسلام ينطلق فورا الى الكعبة. طواف الوداع للمرحلة المكية كلها. الكعبة اللي النبي عليه الصلاة والسلام اتخنق عندها وحاولوا يقتلوه كذا مرة فيها وهو مصمم انه يعبد ربنا فيها. الكعبة اللي الاسراء والمعراج بدأ منها. الكعبة اللي اترمى عليه صلاة - 00:46:12

هناك وهو مصمم يصلى هناك. المكان اللي النبي كان مرتبط به ارتباط روحاني جبار. تخيل كده النبي عليه الصلاة والسلام وهو في اخر طواف حوالين الكعبة قد لا يراها مرة اخرى في عمره ولكن من اجل الاسلام. ومن اجل الدين ومصلحة الدين. الدعوة اهم من الحج والعمرة. الدعوة اهم من - 00:46:32

الانسان يتمتع بالعبادة في اي مكان مهما كان. الدعوة هي الاهم ويطوف النبي عليه الصلاة والسلام حوالين الكعبة في طواف وداع مكة كلها ويبكي النبي عليه الصلاة والسلام وهو مش عارف هيشفوF الكعبة تاني ولا لـ. وهيقدر يطوف على وراءه عندها تاني ولا لـ؟ ويطلع النبي بعد الطواف على ابو بكر الصديق فورا - 00:46:52

هنخرج حالا اهو في الهجرة وتبتدا رحلة الهجرة بعد الاذان ان شاء الله. الحمد لله وكفى وصلاة وسلاما على عباده الذين مصطفى اما بعد اخواني واحبابي في الله يعني تبدأ رحلة الهجرة الرهيبة النبي عليه الصلاة والسلام يأمر سيدنا علي ان هو ينام مكانه مهم - 00:47:12

سيدنا علي يا جماعة مش ان هو كان ينام مكان النبي عليه الصلاة والسلام بس. مهم سيدنا علي التمويه ان اللي محاصرين الباب برة يحسبوا ان اللي نايم ده هو النبي عليه الصلاة والسلام - 00:47:32

فلو قدفوا بالحجارة زي ما جم عملوا بقى بعد نص الليل وسيدنا علي ما قامش. وفاكرين والنبي عليه الصلاة والسلام وكل ده والنبي في الطريق بقى. هو ابو بكر. النبي عليه الصلاة - 00:47:42

السلام هو ابو بكر طبعا يعني خارجين لو خرجوا على ناقة بيقوا مسافرين. لو خدوا معهم شنطة فيها اكل بيقوا مسافرين فلازم خارج على رجليه. قعد اربعة اربعة وعشرين ساعة ماشي على رجليه. عليه الصلاة والسلام. وبعد كده راح غار ثور مكان زي القبر كده. ضيق جدا. قعد تلات ايام عليه الصلاة والسلام - 00:47:52

تلات ايام جوة المكان ده وبعد تلات تيام يلاقي رجلين الكفار عند رأس هزا الغار عليه الصلاة والسلام. سيدنا علي كان مهمته ان لو اتضرب بالسيوف يفضل في مكانه. ليه؟ ياخـر لاطول فترة معرفتهم ان ده مش النبي عليه - 00:48:12 عليه الصلاة والسلام. ان ده واحد تاني غير النبي عليه الصلاة والسلام. فطبعا حركة فدائية جدا. وينطلق رسول الله صلى الله عليه وسلم في طريق الهجرة وهو عنده ثلاثة وخمسين - 00:48:32

سنة في رحلة هتاخـد خمستاشر يوم من عمر النبي عليه الصلاة والسلام. المشركين عرفوا الخمسينيـت كيلو من مكة للمدينة جميع القبائل راح لها ناس عرفوـهم ان في واحد اسمـه محمد ابن عبدالله وـمعه راجـل اسمـه ابو بكر الصديق والاثنتين ماشـين في الطريق. اللي يجيـبـهم احياء اموـاتـ له مـيتـ نـاقـةـ - 00:48:42

زي الـوقـتـيـ كـدهـ اـمـاـ يـدـيـكـ جـايـزـهـ كـدهـ مـلـيـونـ جـنيـهـ وـلاـ حـاجـةـ لـهـ مـيـتـ نـاقـةـ الـلـيـ هـيـجـيـبـهمـ اـحـيـاءـ اوـ اـمـوـاتـ. تخـيلـ اـنـتـ ماـشـيـ فيـ طـرـيقـ خـمـسـيـنـ كـيـلوـ مـتـرـ. كلـ القـبـائـلـ مـسـتـنـيـةـ - 00:49:02

يا ترى مـيـنـ الـلـيـ هـيـفـوزـ بـالـمـيـتـ نـاقـةـ؟ يا تـرىـ مـيـنـ الـلـيـ هـيـفـوزـ بـدـيـ زيـ حـادـسـةـ سـرـاقـةـ اـبـنـ مـالـكـ كـدهـ؟ واحدـ رـايـحـ بـيـقـولـ لهـ اـنـاـ شـفـتـ اـنـتـ زـيـ الـلـيـ قـالـواـ عـلـيـهـمـ. دـهـ شـكـلـهـ مـحـمـدـ اـبـنـ عـبـدـالـلـهـ قـالـ لـهـ - 00:49:12

دهـ اـنـتـنـيـ اـحـنـاـ لـسـةـ بـاعـتـيـنـهـمـ يـطـلـعـواـ يـعـمـلـواـ لـنـاـ حـاجـةـ. وـسـرـاقـةـ قـامـ قـاـيمـ وـاـخـدـ الحـصـانـ بـتـاعـهـ بـعـدـ شـوـيـةـ بـعـدـ ماـ عـمـ عـلـيـهـمـ الـكـلـامـ. وـطـلـعـ هوـ يـجـريـ عـشـانـ تـاخـدـ الـمـيـةـ نـاقـةـ فـتـخـيـلـ اـنـتـ بـقـىـ طـرـيقـ بـالـمـنـزـرـ دـهـ غـيـرـ انـ قـرـيـشـ نـفـسـهـاـ اـرـسـلـتـ فـيـ الرـصـدـ يـعـنـيـ اـقـوـىـ بـتـوـعـ الرـصـدـ فـيـ الجـزـيـرـةـ العـرـبـيـةـ جـابـتـهـمـ عـشـانـ - 00:49:22

تـبعـواـ اـسـارـ النـبـيـ عـلـيـهـ الصـلاـةـ وـالـسـلـامـ وـوـصـلـواـ لـهـ فـعـلـاـ. وـوـصـلـواـ لـلـغـارـ فـعـلـاـ. يـعـنـيـ النـاسـ دـيـ ماـ كـانـتـشـ بـتـهـزـرـ. وـصـلـواـ لـلـغـارـ فـورـ فـعـلـاـ. وـصـلـواـ لـلـابـلـةـ الـاـبـرـةـ الـلـيـ وـسـطـ القـشـ وـلـكـنـ رـبـنـاـ عـمـاـهـمـ عـنـ الـلـيـ جـوـةـ الـمـكـانـ. رـبـنـاـ سـبـحـانـهـ وـتـعـالـىـ عـمـاـهـمـ عـنـ رـجـوعـ الـمـكـانـ لـاـبـوـ بـكـرـ يـقـولـ

النبي لو نظر احدهم تحت قدميه لرأه - 00:49:42

فيقول النبي صلى الله عليه وسلم اسكت ابا بكر ما ظنك باثنين الله ثالثهما ويصل النبي صلى الله عليه وسلم الى المدينة المنورة لتدأ مرحلة جديدة سيدنا عمر ابن الخطاب من اكتر الملامح العبرية في سيرة سيدنا عمر ابن الخطاب وملامح يعني الابداع في -

00:50:02

سيدنا عمر بن الخطاب ان سيدنا عمر لما الاسلام بقى دولة كبيرة فقالوا خلاص لازم يبقى لنا تاريخ. زي كل الدول لها تاريخ. اي دولة لازم بتعمل تاريخ لما تبقى حضارة - 00:50:22

اي دين عمل تاريخ. فخلاص الاسلام بقى دولة عالمية لازم يبقى لنا تاريخ. ما ينفعش نمشي على التاريخ الجاهلي كده ولا ولا اي تاريخ. فسيدنا عمر عمر بن الخطاب اعتبار ان يوم ما النبي عليه الصلاة والسلام هاجر هو ده بداية تاريخ الاسلام. وخد خدوها من قول الله سبحانه وتعالى - 00:50:32

بيت اسس بيت اللي هو آآ مسجد قباء اللي هو النبي بناء اول ما هاجر. لبيت اسس على التقوى من اول يوم قال له يبقى ده اول يوم في تاريخ الاسلام. يبقى - 00:50:52

الهجرة كانت هي بداية التاريخ الحقيقي. النبي عليه الصلاة والسلام ما عدش في الشوارع يقف بالحجارة. عاد الرجال والنساء هيجروا وراه عشان يتعلموا الدين ما عدش يساعد النبي وقاص هياخد صحابة عشان يهرب في اي كهف او شعب في الجبال عشان يصلوا بقى فيه مسجد والصلة فيها اربعة وعشرين ساعة في اليوم - 00:51:02

اخيرا بقى للإسلام دولة. اخيرا بقى للإسلام منعة. كل حاجة انقلبت تماما. جهد التربية بقى ليل نهار. جهد الدعوة الى الله ونصرة ربنا بقى ليل نهار اليوم ده السيدة خديجة ما شافهوش. اليوم ده اه قال ياسر ما شافهوش اليوم ده السيدة سمية ما شافهوش. اليوم -

00:51:22

ناس كتير صحابة كتير من اللي ما وصلوش لحد اليوم ده ما شافهوش نصرة دين ربنا. ولكن كانوا شركاء في بناء الدين. وكانوا شركاء في بناء الدولة الاسلامية وكانوا شركاء في هزا الفتح. كل واحد نصر دعوة ربنا في يوم من الايام كان شريك في اللحظة الخطيرة ديت اللي بدأ منها تاريخ الاسلام - 00:51:42

النهاردة كنا بنتكلم عن شهر الله المحرم وببداية تاريخ الاسلام سواء هجرة الصحابة بدأت منه سواء اسلام الانصار وسفر مصعب ابن عمير وبدء اسلام سعد معاذ وسید ابن حضير وقاده المدينة المنورة بدأت منه سواء هجرة النبي عليه الصلاة والسلام بعد هجرة الصحابة العام ده - 00:52:02

سيدنا عمر ابن الخطاب اعتباره بداية التاريخ الاسلامي كان بداية الاسلام زي غزوة خيبر كانت في شهر الله المحرم. زي اللي انتهى فيها وجود اليهود في الجزيرة العربية وبقت الجزيرة بتاعتنا كلها ما عادش غير فتح مكة زي غزوة ذات الرقاع اللي الصحابة ضوافههم وقعت ولحم رجليهم انقطع فيها وربطوا الرقاد - 00:52:22

حوالين رجليهم لان ما كانش معهم دواب وكانوا ماشيين طول هزه المسافات وسط الارض اللي كلها اشواك. وكلها تضاريس صعبة. وكانت السبب كما يقول المؤرخين في التمهيد للفتوحات الاسلامية غطافن الصخرة المرعبة في الجزيرة العربية. بعد زات الرقاد اتقلبت من اعداء لمجاهدين معنا في فتح - 00:52:42

مكة ف قال المؤرخين ان دي اللي مهدت للفتوحات الاسلامية فعليا. في شهر الله المحرم. آآ تحولت القبلة. القبلة في شهر الله المحرم بدأت هجرة اصحاب النبي عليه الصلاة والسلام فتح مصر كان في شهر الله المحرم. وعلى فكرة يعني حاجات كتير جدا في شهر الله المحرم حصلت. يعني آآ - 00:53:02

ولكن ان شاء الله بازن الله ممكن بقى نستأنف الجمعة الجاية لان خلاص يوم عاشوراء. ان شاء الله بازن الله الخميس او الجمعة اللي بعد الجاين. يعني آآ المفروض ان واحد محرم - 00:53:22

الاسبوع ده. يعني رأس السنة الهجرية تقريبا هيبي يوم الثلاثاء. الخميس تسعه الخميس. ربنا يجازيهم عيد يا شيخ. الثلاثاء اه انا

عموماً يعني الخميس آآ ده بعض الدول عامله رسمياً. إن الاجازة إنما اليوم نفسه امتنى؟ الخميس. الخميس عاشره ان شاء الله -

00:53:32

بكم عاشراء بكم رأس السنة؟ اللي هو واحد محرم. واحد محرم. فان شاء الله الاسبوع ده هيبقى واحد آآ محرم. آآ شهر الصيام يا جماعة. ده افضل الصيام بعد رمضان يعني ليه ما تصومش شهر الله المحرم؟ النبي عليه الصلاة والسلام يقول افضل الصيام بعد رمضان شهر الله المحرم وأفضل الصلاة بعد المكتوبة قيام الليل - 00:53:52

طب الرسول بيتكلم عن قيام الليل ليه هو بيتكلم عن محرم؟ كان النبي عليه الصلاة والسلام بيقول لك ابدأ السنة بشهر الصيام والقيام. ابدأ السنة صحيحاً وقيام - 00:54:12

في شهر الله المحرم ربنا هيبارك لك في السنة كلها. ربنا هيجعل السنة خلونا ننوي الوقتي واحنا مع بعض ان شهر الله المحرم بيقى بداية جديدة يا جماعة. ويبقى فتح جديد في - 00:54:22

علاقتنا بربنا ودي سنة انتهت من عمرنا. ما يعني بلاش تغفلوا من اكتر الحاجات اللي مقطعة قلب الواحد. ان انا ما بدأتش افهم قيمة العمر غير بعد ما الواحد عدى الأربعين كان يتمنى انه يفهم قيمة العمر وهو عنده عشرين سنة. كان يتمنى انه يفهم قيمة العمر وهو لسه قدامه فرصة. يعني - 00:54:32

ممكن تكون اكبر من كده. نسأل الله ان بيارك لنا فيما بقى من اعمارنا. افهموا قيمة عمركم. وافهموا قيمة الايام بتاعتكم. الايام بتتسرب من بين ايدينا والصحف بتغلق ولن تفتح الا يوم القيمة ان شاء الله بازن الله. بما ان محرم عايزينه بيقى شهر بداية جديدة مع ربنا. ان شاء الله بازن الله. فاحنا عايزينه بيقى شهر بداية - 00:54:52

ايه ده مع يلا نشجع بعض ان شاء الله بازن الله وشهر بداية جديدة مع مشروع تحفيز برضه. من يلا نشجع بعض ومن منطلق يلا نشجع بعض. مشروع بشمندس علي زيادة هيقول عليه الوقتي ان شاء الله هي المناسب اكتر طبعاً اخواننا في المنصورة بازن الله سبحانه وتعالى وهيعلن عنه الوقتي وعن ملامحه. ازاي ان احنا نبدأ السنة دي - 00:55:12

كتاب ربنا وترسيخ حفظ كتاب ربنا ان شاء الله بازن الله يا بشمندس علي بقى يعلن عن مشروع التحفيز المهم جداً جداً ده هو رؤوس شيبان ورؤوس عليها عايزين نتوج بقى ملوك يوم القيمة وارض المحشر. بازن الله سبحانه وتعالى كفى ان الرسول قال عن القرآن وعن اهل القرآن انك اليوم من وراء - 00:55:32

كل تجارة اللي عايز ياخذ كل حاجة من ربنا يتاجر مع ربنا بالقرآن. الذي سيتاجر مع الله بالقرآن سيأخذ كل عطاءات الله في الدنيا والآخرة بازن الله سبحانه وتعالى. قولوا قولي هزا واستغفر الله لي - 00:55:52